

**O‘ZBEKISTON RESPUBLIKASI VAZIRLAR MAHKAMASINING
QARORI**

**RESPUBLIKA BAXSHICHILIK SAN’ATI MARKAZI VA UNING HUZURIDAGI
BAXSHICHILIK SAN’ATINI RIVOJLANTIRISH JAMG‘ARMASI FAOLIYATINI
TASHKIL ETISH TO‘G‘RISIDA**

O‘zbekiston Respublikasi Prezidentining “Baxshichilik san’atini yanada rivojlantirish chora-tadbirlari to‘g‘risida” 2019-yil 14-maydagi PQ-4320-son qarori ijrosini ta’minlash hamda milliy san’atimiz va madaniyatimizning qadimiy merosini saqlab qolish, baxshichilik yo‘nalishi bo‘yicha yoshlarning ijodiy salohiyati, ularning intilishlarini har tomonlama qo‘llab-quvvatlash hamda ro‘yobga chiqarish, malakali baxshilar tayyorlash tizimini yanada takomillashtirish maqsadida Vazirlar Mahkamasi qaror qiladi:

1. O‘zbekiston Respublikasi Prezidentining “Baxshichilik san’atini yanada rivojlantirish chora-tadbirlari to‘g‘risida” 2019-yil 14-maydagi PQ-4320-son qarori bilan Respublika baxshichilik san’ati markazi va uning huzurida yuridik shaxs maqomiga ega bo‘lgan Baxshichilik san’atini rivojlantirish jamg‘armasi tashkil etilganligi ma’lumot uchun qabul qilinsin.

2. Quyidagilar:

Respublika baxshichilik san’ati markazining (keyingi o‘rinlarda Markaz deb ataladi) shtatlar jadvali va xodimlari mehnatiga haq to‘lash razryadlari 1-ilovaga;

Respublika Baxshichilik san’ati markazi huzuridagi Baxshichilik san’atini rivojlantirish jamg‘armasi ijrochi direksiyasining (keyingi o‘rinlarda Direksiya deb ataladi) shtatlar jadvali va xodimlari mehnatiga haq to‘lash razryadlari 2-ilovaga;

Respublika baxshichilik san’ati markazi huzuridagi Baxshichilik san’atini rivojlantirish jamg‘armasi mablag‘larini shakllantirish va ulardan foydalanish tartibi to‘g‘risida nizom 3-ilovaga muvofiq tasdiqlansin.

3. Quyidagilar Respublika baxshichilik san’ati markazi huzuridagi Baxshichilik san’atini rivojlantirish jamg‘armasining (keyingi o‘rinlarda Jamg‘arma deb ataladi) mablag‘larini shakllantirish manbalari etib belgilansin:

O‘zbekiston Respublikasi Madaniyat vazirligi huzuridagi Madaniyat va san’atni rivojlantirish jamg‘armasiga budjetdan tashqari tushadigan yillik tushumlarning bir foizi miqdoridagi ajratmalar;

Jamg‘arma tomonidan tashkil etiladigan madaniy-ma’rifiy tadbirlardan tushadigan mablag‘lar;

yuridik va jismoniy shaxslarning, shu jumladan, O‘zbekiston Respublikasi norezidentlarining homiylik xayriyalari;

Jamg‘armaning vaqtincha bo‘sh mablag‘larini tijorat banklari depozitlariga joylashtirishdan olinadigan daromadlar;

xalqaro moliya institutlari va boshqa xorijiy donorlarning imtiyozli kreditlari (qarzlar);
qonun hujjatlarida taqiqlanmagan boshqa manbalar.

4. Markaz xodimlariga O‘zbekiston Respublikasi Prezidentining “Pensiyalar, nafaqalar, stipendiyalar hamda respublikaning budjet muassasalari va tashkilotlarida ish haqi miqdorlarini oshirish to‘g‘risida” 1995-yil 16-avgustdagi PF-1213-son Farmoniga muvofiq budjet muassasalari va tashkilotlari uchun belgilangan mehnatga haq to‘lash fondining 15 foizi miqdorida moddiy rag‘batlantirish maxsus fondi tatbiq etiladi.

5. Belgilansinki:

Markaz O‘zbekiston Respublikasi Madaniyat vazirligiga to‘g‘ridan to‘g‘ri bo‘ysunadi;

Markazni saqlash bilan bog‘liq xarajatlar Surxondaryo viloyati hokimligi mahalliy budjeti mablag‘lari hisobiga, Direksiyaning saqlash bilan bog‘liq xarajatlar Jamg‘arma mablag‘lari hisobiga qoplanadi.

6. O‘zbekiston Respublikasi Madaniyat vazirligi, Moliya vazirligi va Surxondaryo viloyati hokimligining 2019/2020 o‘quv yilidan boshlab Termiz shahridagi 21-son baxshichilik maktabi

negizida baxshichilik san'atiga ixtisoslashtirilgan respublika maktab-internati (keyingi o'rinlarda maktab-internat deb ataladi) tashkil etish to'g'risidagi taklifga rozilik berilsin.

7. Quyidagilar maktab-internatning asosiy vazifalari etib belgilansin:

baxshichilik san'ati bo'yicha o'quvchilarga chuqurlashtirilgan ta'lim berishni ta'minlash;

o'quvchilarning ijodiy salohiyatini namoyon qilish va faollashtirish;

o'quvchilarning har tomonlama kamol topishi uchun qulay shart-sharoitlar, shu jumladan, o'quvchilarning o'z ustida mustaqil ishlashi va qo'shimcha bilim olishi uchun imkoniyatlar yaratish;

har tomonlama kamol topgan shaxsni tarbiyalash, unda estetik qadriyatlarni va vatanparvarlikni shakllantirish;

ta'lim jarayoniga zamonaviy pedagogik va innovatsion texnologiyalarni, madaniyat va san'at sohasida ilm-fan bo'yicha erishilgan ilg'or yutuqlarni tatbiq etish.

8. Surxondaryo viloyati hokimligi O'zbekiston Respublikasi Iqtisodiyot va sanoat vazirligi hamda Madaniyat vazirligi bilan kelishgan holda maktab-internatga qo'shimcha bino va inshootlar qurilishi uchun joy ajratilishini ta'minlasin.

9. O'zbekiston Respublikasi Iqtisodiyot va sanoat vazirligi, Madaniyat vazirligi maktab-internatga qo'shimcha bino va inshootlarni, shu jumladan, 150 o'rinli yotoqxona va oshxona, 200 o'rinli o'quv binosini qurish bo'yicha ishlab chiqilgan loyiha-smeta hujjatlariga asosan qurilish-montaj ishlarini 2020-yil va kelgusi yillarda O'zbekiston Respublikasining Investitsiya dasturiga kiritish choralarini ko'rsin.

10. O'zbekiston Respublikasi Madaniyat vazirligi:

maktab-internatga 2021/2022 o'quv yilidan boshlab o'quvchilarni qabul qilishni tashkil etsin;

Oliy va o'rta maxsus ta'lim vazirligi bilan birgalikda O'zbekiston davlat san'at va madaniyat institutida 2020/2021 o'quv yilidan boshlab baxshichilik va dostonchilik ta'limi yo'nalishini tashkil etishni nazarda tutsin;

Moliya vazirligi, Bandlik va mehnat munosabatlari vazirligi bilan birgalikda O'zbekiston davlat filarmoniyasining Qoraqalpog'iston Respublikasidagi va viloyatlardagi hududiy bo'linmalarining namunaviy shtat jadvallarini qayta ko'rib chiqib, umumiy shtatlar doirasida Qoraqalpog'iston Respublikasi, Surxondaryo, Qashqadaryo va Xorazm viloyatlarida baxshichilik san'ati davlat ansambllari va boshqa viloyatlarda viloyat ansambllarini nazarda tutish choralarini ko'rsin.

11. O'zbekiston Respublikasi Hukumatining 4-ilovaga muvofiq ayrim qarorlariga o'zgartirish va qo'shimchalar kiritilsin.

12. Mazkur qarorning bajarilishini nazorat qilish O'zbekiston Respublikasi Bosh vazirining ijtimoiy rivojlantirish masalalari bo'yicha o'rinbosari A.A. Abduxakimov va O'zbekiston Respublikasi madaniyat vaziri B.S. Sayfullayev zimmasiga yuklansin.

O'zbekiston Respublikasining Bosh vaziri A. ARIPOV

Toshkent sh.,
2019-yil 23-sentabr,
798-son

Vazirlar Mahkamasining 2019-yil 23-sentabrdagi 798-son qaroriga
1-ILOVA

Respublika baxshichilik san'ati markazining shtatlar jadvali va xodimlari mehnatiga haq to'lash

RAZRYADLARI

T/r	Tarkibiy bo'linmalar va lavozimlarning nomi	Shtat birliklari soni	Mehnatga haq to'lash razryadlari
I. Ma'muriy boshqaruv xodimlar			

1.	Bosh direktor	1	15
2.	Bosh direktorning ijodiy masalalar bo'yicha o'rinbosari	1	13
3.	Bosh buxgalter	1	11
4.	Kadrlar bo'yicha bosh mutaxassis	1	6
5.	Yuriskonsult	1	*
6.	Bosh ma'mur	1	6
7.	AKT va matbuot xizmati xodimi	1	6
8.	Xo'jalik mudiri	1	5
II. "Ustoz-shogird" maktabi bo'limi			
9.	Bo'lim boshlig'i	1	11
10.	Etakchi ilmiy xodim	1	10
11.	Katta ilmiy xodim	2	9
12.	Kichik ilmiy xodim	2	8
III. Baxshichilik cholg'u asboblari ishlab chiqarishni rivojlantirish bo'limi			
13.	Bo'lim boshlig'i	1	11
14.	Bosh mutaxassis	1	10
IV. Baxshichilik san'ati tarixiy ekspozitsiyasi bo'limi			
15.	Bo'lim boshlig'i	1	11
16.	Bosh mutaxassis	1	10
V. Baxshichilik san'atini ilmiy rivojlantirish bo'limi			
17.	Bo'lim boshlig'i	1	11
18.	Katta ilmiy xodim	1	9
19.	Kichik ilmiy xodim	1	8
VI. Xalqaro aloqalarni rivojlantirish bo'limi			
20.	Bo'lim boshlig'i	1	11
21.	Bosh mutaxassis	1	10

* Yuriskonsult lavozimining tarif razryadi Vazirlar Mahkamasining "O'zbekiston Respublikasi Prezidentining "Yuridik xizmat faoliyatini tubdan takomillashtirish chora-tadbirlari to'g'risida" 2017-yil 19-yanvardagi PQ-2733-son qarorini amalga oshirish chora-tadbirlari haqida" 2017-yil 1-maydagi 250-son qaroriga muvofiq belgilangan tartibda aniqlanadi.

Izoh. Texnik va xizmat ko'rsatuvchi xodimlar soni belgilangan normativlarga muvofiq aniqlanadi.

Vazirlar Mahkamasining 2019-yil 23-sentabrdagi 798-son qaroriga
2-ILOVA

Respublika baxshichilik san'ati markazi huzuridagi Baxshichilik san'atini rivojlantirish jamg'armasi ijrochi direksiyasining shtatlar jadvali va xodimlari mehnatiga haq to'lash

RAZRYADLARI

T/r	Tarkibiy bo'linmalar va lavozimlarning nomi	Shtat birliklari soni	Mehnatga haq to'lash razryadlari
I. Ma'muriy boshqaruv xodimlari			
1.	Jamg'armaning ijrochi direktori	1	13
2.	Ijrochi direktor o'rinbosari	1	13-5%
3.	Kadrlar bo'yicha bosh mutaxassis	1	6
4.	Axborot texnologiyalari bo'yicha bosh mutaxassis	1	6
5.	Matbuot kotibi	1	6
II. Dasturlarni amalga oshirish va strategik rivojlanish boshqarmasi			

6.	Dasturlarni amalga oshirish va strategik rivojlanish boshqarmasi boshlig'i	1	12
Baxshichilik san'atini rivojlantirish bo'limi			
7.	Bo'lim boshlig'i	1	10
8.	Bosh mutaxassis	2	9
9.	Etakchi mutaxassis	2	8
Marketing va kommunikatsiyalar bo'limi			
10.	Bo'lim boshlig'i	1	10
11.	Bosh mutaxassis	2	9
12.	Etakchi mutaxassis	2	8
III. Moliya bo'limi			
13.	Bo'lim boshlig'i	1	10
14.	Bosh mutaxassis	1	9
15.	Etakchi mutaxassis	2	8
IV. Buxgalteriya			
16.	Bosh buxgalter	1	10
17.	Buxgalter	1	9
V. Yuridik byuro			
18.	Yuridik byuro boshlig'i	1	*
19.	Yuriskonsult	1	*

* Yuriskonsult lavozimining tarifi razryadi Vazirlar Mahkamasining "O'zbekiston Respublikasi Prezidentining "Yuridik xizmat faoliyatini tubdan takomillashtirish chora-tadbirlari to'g'risida" 2017-yil 19-yanvardagi PQ-2733-son qarorini amalga oshirish chora-tadbirlari haqida" 2017-yil 1-maydagi 250-son qaroriga muvofiq belgilangan tartibda aniqlanadi.

Izoh. Texnik va xizmat ko'rsatuvchi xodimlar soni belgilangan normativlarga muvofiq aniqlanadi.

Vazirlar Mahkamasining 2019-yil 23-sentabrdagi 798-son qaroriga
3-ILOVA

Respublika baxshichilik san'ati markazi huzuridagi Baxshichilik san'atini rivojlantirish jamg'armasi mablag'larini shakllantirish va ulardan foydalanish tartibi to'g'risida

NIZOM

1-bob. Umumiy qoidalar

1. Ushbu Nizom Respublika baxshichilik san'ati markazi huzuridagi Baxshichilik san'atini rivojlantirish jamg'armasi (keyingi o'rinlarda Jamg'arma deb ataladi) mablag'larini shakllantirish va ulardan foydalanish tartibini belgilaydi.

2. Jamg'arma davlat muassasasi shaklidagi yuridik shaxs hisoblanadi, o'zining mustaqil balansiga, milliy va xorijiy valyutada bank hisob raqamlariga, O'zbekiston Respublikasi Davlat gerbi tasviri tushirilgan va o'z nomi yozilgan muhrga ega bo'ladi.

Jamg'arma budjet tashkiloti hisoblanmaydi.

2-bob. Jamg'armaning asosiy vazifalari

3. Quyidagilar Jamg'armaning asosiy vazifalari hisoblanadi:

moliyaviy, tashkiliy va ijodiy yo'nalishlarda kompleks chora-tadbirlarni amalga oshirish asosida baxshichilik san'atini yanada rivojlantirishga ko'maklashish;

mamlakatimizda faoliyat ko'rsatayotgan baxshi-shoir, oqin va jirovlarni har tomonlama qo'llab-quvvatlash;

O'zbekiston Respublikasi Madaniyat vazirligi tizimidagi muassasalarni baxshichilik san'atiga oid zarur adabiyotlar, o'quv qo'llanmalari va davriy nashrlar bilan ta'minlashni moliyalashtirish;

madaniyat va san'at muassasalari huzuridagi baxshichilik to'garaklarining moddiy-texnik bazasini mustahkamlash, ularni zarur cholg'u asboblari va jihozlar bilan ta'minlash;

baxshichilik san'ati bilan bog'liq ilmiy tadqiqotlar, nashr ishlari hamda kompleks ilmiy ekspeditsiyalarni moliyalashtirish;
baxshichilik san'atiga homiylikni rivojlantirish, sohaga xorijiy grantlarni jalb etish;
qonun hujjatlarida belgilangan manbalardan tushadigan mablag'larni jamg'arish, ulardan maqsadli va samarali foydalanishni ta'minlash.

3-bob. Jamg'armani boshqarish

4. Jamg'armani boshqarish Respublika baxshichilik san'ati markazi huzuridagi Baxshichilik san'atini rivojlantirish jamg'armasi kengashi (keyingi o'rinlarda Jamg'arma kengashi deb ataladi) tomonidan amalga oshiriladi.

5. Jamg'arma kengashi:

Jamg'armaning rejalashtirilgan loyihalar bo'yicha keyingi yil uchun daromadlar va xarajatlar smetasini har yili 25-dekabrgacha tasdiqlaydi;

Jamg'armaning har chorak yakuni bo'yicha daromadlari va xarajatlari to'g'risidagi hisobotlarni ko'rib chiqadi va tasdiqlaydi;

Jamg'arma mablag'laridan maqsadli va samarali foydalanilishini nazorat qiladi;

xorijiy investitsiyalar va grantlarni jalb etishda Jamg'armani qo'llab-quvvatlaydi;

Jamg'arma mablag'larini shakllantirish va ulardan foydalanish bilan bog'liq bo'lgan boshqa vakolatlarni amalga oshiradi.

4-bob. Jamg'arma mablag'larini shakllantirish

6. Quyidagilar Jamg'arma mablag'larini shakllantirish manbalari hisoblanadi:

O'zbekiston Respublikasi Madaniyat vazirligi huzuridagi Madaniyat va san'atni rivojlantirish jamg'armasiga budjetdan tashqari tushadigan yillik tushumlarning bir foizi miqdoridagi ajratmalar;

Jamg'arma tomonidan tashkil etiladigan madaniy-ma'rifiy tadbirlardan tushadigan mablag'lar;

yuridik va jismoniy shaxslarning, shu jumladan, O'zbekiston Respublikasi norezidentlarining homiylik xayriyalari;

Jamg'armaning vaqtincha bo'sh mablag'larini tijorat banklari depozitlariga joylashtirishdan olinadigan daromadlar;

xalqaro moliya institutlari va boshqa xorijiy donorlarning imtiyozli kreditlari (qarzlari);

qonun hujjatlarida taqiqlanmagan boshqa manbalar.

5-bob. Jamg'arma mablag'laridan foydalanish

7. Jamg'arma ijrochi direktori Jamg'arma mablag'larini boshqaruvchi etuvchi hisoblanadi.

8. Jamg'arma mablag'lari Jamg'arma kengashi tomonidan tasdiqlangan Jamg'arma daromadlari va xarajatlari smetasiga muvofiq quyidagi maqsadlarga yo'naltiriladi:

75 foizdan kam bo'lmagan mablag' — O'zbekiston Respublikasi Madaniyat vazirligi tizimidagi madaniyat va san'at muassasalari huzuridagi baxshichilik va dostonchilik to'garaklari, ansambllari, sinflari, kurslari hamda ta'lim yo'nalishlarining moddiy-texnik bazasini mustahkamlash, ularni zarur cholg'u asboblari bilan ta'minlash va jihozlash;

baxshichilik san'atiga ixtisoslashtirilgan Respublika maktab-internati faoliyatini takomillashtirish, zarur cholg'u asboblari bilan ta'minlash va jihozlash;

baxshi, oqin va jirov ijrochilarni respublika va xalqaro miqyosdagi festival va tanlovlarda qatnashish uchun yuborish, shuningdek, baxshichilik va dostonchilik san'ati yo'nalishidagi kadrlar malakasini oshirish;

baxshichilik va dostonchilik yo'nalishidagi tadbirlarni moliyalashtirish;

25 foizdan ko'p bo'lmagan mablag' — O'zbekiston Respublikasi Madaniyat vazirligi tizimidagi madaniyat muassasalarida faoliyat olib borayotgan xodimlar, ya'ni o'qituvchilikka, to'garak rahbarligiga va ansambllarga jalb etilgan baxshilarni moddiy rag'batlantirish va ijtimoiy muhofaza qilish.

9. Jamg'armaning daromadlari va xarajatlar smetasi budjetdan tashqari mablag'lar bo'yicha budjet tashkilotlari uchun (choraklar, tushumlar manbalari va ularning sarflanishi yo'nalishlari bo'yicha) qonun hujjatlarida belgilangan tartibda tuziladi va Jamg'arma Kengashi tomonidan tasdiqlanadi.

10. Jamg'arma kengashi raisi, Jamg'arma kengashi tomonidan tasdiqlangan holda, Jamg'armaning daromadlar va xarajatlar smetasiga o'zgartirish kiritish huquqiga ega.

6-bob. Hisobga olish, hisobot va nazorat

11. Jamg'arma har yili qonun hujjatlariga muvofiq moliyaviy hisobotni tayyorlaydi. Jamg'armaning moliyaviy hisoboti moliyaviy yil yakunlangandan so'ng auditorlik tashkilotlari tomonidan majburiy tartibda tekshiriladi. Moliyaviy hisobot, auditorlik xulosasi har yili 1-maydan kech bo'lmagan muddatda Jamg'arma kengashiga taqdim etiladi.

Jamg'arma mablag'larining maqsadli sarflanishi yuzasidan nazorat qonun hujjatlariga muvofiq amalga oshiriladi.

Vazirlar Mahkamasining 2019-yil 23-sentabrdagi 798-son qaroriga
4-ILOVA

O'zbekiston Respublikasi Hukumatining ayrim qarorlariga kiritilayotgan o'zgartirish va qo'shimchalar

1. Vazirlar Mahkamasining "O'zbekistonda teatr va musiqa san'atini yanada rivojlantirishni qo'llab-quvvatlash va rag'batlantirish chora-tadbirlari to'g'risida"gi Farmonni amalga oshirish masalalari haqida" 1995-yil 28-oktabrdagi 415-son qaroriga 1-ilovaning "Surxondaryo viloyati" bo'limiga "Respublika baxshichilik san'ati markazi" so'zlari qo'shilsin.

2. Vazirlar Mahkamasining "Davlat madaniyat muassasalari va davlat arxivlari xodimlari mehnatiga haq to'lash va ularni moddiy rag'batlantirishning takomillashtirilgan tizimini tasdiqlash haqida" 2018-yil 19-iyundagi 458-son qarorida (O'zbekiston Respublikasi QHT, 2018-y., 25-son, 500-modda):

a) 1-bandga quyidagi tahrirdagi beshinchi xatboshi qo'shilsin:

"Bunda, mazkur qaror bilan bazaviy lavozim maoshlari miqdori tasdiqlangan teatrlar xodimlariga O'zbekiston Respublikasi Prezidentining "Respublika teatrlari artistlarining mehnatiga haq to'lash shartlarini yaxshilash to'g'risida" 1993-yil 3-dekabrdagi PF-692-son Farmoni bilan belgilangan har oylik ustama haqlari tatbiq etilmaydi."

b) rus tilidagi matnning 10-ilovasi quyidagi tahrirda bayon etilsin:

"RAZMERI

bazovix doljnostnix okladov po oplate truda rabotnikov Sentrov kulturi

№	Naimenovaniye doljnostey	Razmeri bazovix doljnostnix okladov (sum)		
		Sentri kulturi Respubliki Karakalpakstan, oblastey i g. Tashkenta	Sentralnie tsentri kulturi rayonov (gorodov)	Selskiye i poselochnie tsentri kulturi
1.	Direktor, zaveduyushiy filialom	1 178 600	x	1 071 455
2.	Xudojestvenniy rukovoditel	1 071 455	974 050	x
3.	Rukovoditel krujka, kollektiva i studii, pevsi, muzikanti *	805 000	805 000	805 000
4.	Rejisser, baletmeyster,	974 050	974 050	885 500

	xormeyster, artist, dirijer studii, muzikalnie i xudojestvennie rukovoditeli kollektivov xudojestvennoy samodeyatelnosti, imeyushix zvaniya “Narodniy” i “Bolalar namunali jamoasi” (Obrazsoviy detskiy kollektiv)			
6.	Spetsialisti: po organizatsii deyatelnosti tvorcheskix krujkov i samodeyatelnix kollektivov, po voprosam molodeji i duxovno- prosvetitelskoy raboti, xudojnik- postanovshik, xoreograf	974 050	974 050	974 050
7.	Akkompaniator, kostyumer, administrator, bibliotekar, zvukorejissor, operator	805 000	805 000	805 000

* Razmeri bazovix doljnostnix okladov ukazannix doljnostey s visshim obrazovaniyem ustanavlivayetsya s primeneniym povishayuyego koeffitsiyenta — 1,08

Primechaniye. Razmeri bazovix doljnostnix okladov ukazannix doljnostey rasprostranyayutsya na narodnie teatri i samodeyatelnie kollektivi pri tsentrax kulturi”.

(Qonun hujjatlari ma'lumotlari milliy bazasi, 24.09.2019-y., 09/19/798/3794-son)